



№5 (8209)
5 ақпан
БЕЙСЕНЫ,
2026 ЖЫЛ



Жылыой аудандық қоғамдық-саяси газеті

Кен Жылоу

Газет 1933 жылы 4 қазаннан шыға бастады



www.facebook.com/kenzhylol
ken_jyloi_gazeti

* Қоғамдық кеңес

ҚАҢҒЫБАС ИТТЕРДІ ҚАЙТЕМІЗ?



Таяуда аудандық Қоғамдық кеңестің кезектен тыс отырысы өтті. Жиын барысында аудан аумағында қаңғыбас иттердің бақылаусыз көбеюіне байланысты қалыптасқан жағдай кеңінен қаралды. Бұл мәселе тұрғындардың қауіпсіздігіне тікелей әсер ететін өзекті әлеуметтік түйткі ретінде күн тәртібіне шығарылды. Отырыстың жұмысына қала, кент және ауылдық округ әкімдері, сондай-ақ ветеринария саласына жауапты уәкілетті мемлекеттік органның басшысы қатысты. Қоғамдық кеңес мүшелері қаңғыбас иттердің көбею себептерін, оның салдарын, тұрғындарға төнетін қауіп-қатерлерді және атқарылып жатқан әрі алдағы уақытта жүзеге асырылатын шараларды жан-жақты талқылады.

➔ 3-БЕТ

* Құқық



Заңсыз мал тасымалдады

Жол үстіндегі салғырт әрекеттің соңы кейде үлкен жауапкершілікке әкелуі мүмкін. Бұған ауданда өткен кезекті профилактикалық тексеру кезінде анықталған жағдай айқын дәлел болды. 2 ақпан күні аудан аумағында жүргізілген бақылау барысында полиция қызметкерлерінің назарына Ақтау қаласына бағыт алған «Газель» жүк автокөлігі ілікті.

Көлік Мұқыр ауылынан 4 бас түйені тасымалдап бара жатқан. Алайда сырт көзге қарапайым көрінетін бұл жүк көліктің артында заң талаптарының өрескел бұзу фактілері анықталды. Тексеру барысында жүргізушінің мал тасымалдауға қойылатын ветеринариялық-санитариялық талаптарды мүлдем сақтамағаны белгілі болды. Сонымен қатар тірі малды тасымалдау кезінде міндетті түрде орындалуы тиіс қауіпсіздік және құжаттық тәртіптер ескерілмеген. Тәртіп сақшылары мұндай салғырттық әрекеттер жол


қозғалысы қауіпсіздігіне, сонымен қатар адамдардың денсаулығына да үлкен қауіп төндіруі мүмкіндігін ескертті. Аталған дерек бойынша Қазақстан Республикасының Әкімшілік құқық бұзушылық туралы кодексінің 406-бабының 2-бөлігіне (ветеринариялық (ветеринариялық-санитариялық) қағидаларды, талаптарды және ветеринариялық нормативтерді бұзу) сәйкес жүргізушіге қатысты әкімшілік хаттама толтырылды. Нәтижесінде құқық бұзушыға 43 250 теңге көлемінде әкімшілік айыппұл салынды. Өз кезегінде

полицейлер тұрғындарға заңсыз мал тасымалдау, белгіленбеген орындарда бөлшектеу мен малды сою, ен-таңбалары жоқ малдарды саудаға салу деректерін болдырмау мақсатында атқарылып жатқан жұмыстар жалғаса беретінін ескертті. Мал тасымалдау кезінде талаптардың сақталмауы жұқпалы аурулардың таралу қаупін арттырып, қоғамдық қауіпсіздікке тікелей әсер етеді. Сондықтан заңда бұл салаға қатысты талаптар қатаң бекітілген.

А. ТАЛАПҚЕР

Бүгінгі санда:

Боччадан инклюзивті турнир өтті



➔ 4-БЕТ

* Баспасөз - 2026

Кен Жылоу

газетіне 2026 жылға жазылу жалғасуда!

- * Ауданға қатысты жаңалықтар
- * Өзекті мақалалар, сұхбаттар
- * Жарнамалар

Индекс: 65583

Баламалы негізде: 11 айға - 3140 тг. 6 айға - 1700 тг.
Пошта арқылы: 11 айға - 4402,56 тг. 6 айға - 2384, 72 тг.

«Кен Жылоу» газетіне баламалы түрде төмендегі нөмір арқылы жазыла аласыз: 8-701 413 95 22

